

## 古诗赏析

1.  
风劲角弓鸣，将军猎渭城。草枯鹰眼疾，雪尽马蹄轻。忽过新丰市，还归细柳营。回看射雕处，千里暮云平。--王维《观猎》

2.  
出门见南山，引领意无限。秀色难为名，苍翠日在眼。有时白云起，天际自舒卷。心中与之然，托兴每不浅。何当造幽人，灭迹栖绝巘。--李白《望终南山寄紫阁隐者》

3.  
寒色孤村暮，悲风四野闻。溪深难受雪，山冻不流云。鸥鹭飞难辨，沙汀望莫分。野桥梅几树，并是白纷纷。--洪升《雪望》

4.  
死去元知万事空，但悲不见九州同。王师北定中原日，家祭无忘告乃翁。--陆游《示儿》

5.  
天山雪后海风寒，横笛偏吹行路难。碛里征人三十万，一时回首月中看。--李益《从军北征》

6.  
病骨支离纱帽宽，孤臣万里客江干。位卑未敢忘忧国，事定犹须待阖棺。天地神灵扶庙社，京华父老望和銮。出师一表通今古，夜半挑灯更细看。--陆游《病起书怀》

7.  
明月出天山，苍茫云海间。长风几万里，吹度玉门关。汉下白登道，胡

窥青海湾。由来征战地，不见有人还。戍客望边邑，思归多苦颜。高楼当此夜，叹息未应闲。 --李白《关山月》

8.  
日暮苍山远，天寒白屋贫。柴门闻犬吠，风雪夜归人。 --刘长卿《逢雪宿芙蓉山主人》

9.  
未洗染尘缨，归来芳草平。一条藤径绿，万点雪峰晴。地冷叶先尽，谷寒云不行。嫩篁侵舍密，古树倒江横。白犬离村吠，苍苔壁上生。穿厨孤雉过，临屋旧猿鸣。木落禽巢在，篱疏兽路成。拂床苍鼠走，倒篋素鱼惊。洗砚修良策，敲松拟素贞。此时重一去，去合到三清。 --李白《冬日归旧山》

10.  
峨眉山月半轮秋，影入平羌江水流。夜发清溪向三峡，思君不见下渝州。 --李白《峨眉山月歌》

11.  
细草微风岸，危樯独夜舟。星垂平野阔，月涌大江流。名岂文章著，官应老病休。飘飘何所似，天地一沙鸥。 --杜甫《旅夜书怀》

12.  
终南阴岭秀，积雪浮云端。林表明霁色，城中增暮寒。 --祖咏《终南望余雪》

13.  
天津桥上冰初结，洛阳陌上人行绝。榆柳萧疏楼阁闲，月明直见嵩山雪。 --孟郊《洛桥晚望》

14.  
天门中断楚江开，碧水东流至此回。两岸青山相对出，孤帆一片日边来。 --李白《望天门山》

15.

千山鸟飞绝，万径人踪灭。孤舟蓑笠翁，独钓寒江雪。--柳宗元《江雪》

16.

水光潋滟晴方好，山色空蒙雨亦奇。欲把西湖比西子，淡妆浓抹总相宜。--苏轼《饮湖上初晴后雨》

17.

柳汀斜对野人窗，零落衰条傍晓江。正是霜风飘断处，寒鸥惊起一双双。--陆龟蒙《冬柳》

18.

粗缯大布裹生涯，腹有诗书气自华。厌伴老儒烹瓠叶，强随举子踏槐花。囊空不办寻春马，眼乱行看择婿车。得意犹堪夸世俗，诏黄新湿字如鸦。--苏轼《和董传留别》

19.

壮岁旌旗拥万夫，锦襜突骑渡江初。燕兵夜娖银胡，汉箭朝飞金仆姑。追往事，叹今吾，春风不染白髭须。却将万字平戎策，换得东家种树书。--辛弃疾《鹧鸪天·有客慨然谈功名因追念少年时事戏作》

20.

白日登山望烽火，黄昏饮马傍交河。行人刁斗风沙暗，公主琵琶幽怨多。野云万里无城郭，雨雪纷纷连大漠。胡雁哀鸣夜夜飞，胡儿眼泪双双落。闻道玉门犹被遮，应将性命逐轻车。年年战骨埋荒外，空见蒲桃入汉家。--李颀《古从军行》

21.

清明时节雨纷纷，路上行人欲断魂。借问酒家何处有？牧童遥指杏花村。--杜牧《清明》

22.

山际见来烟，竹中窥落日。鸟向檐上飞，云从窗里出。--吴均《山中杂

诗》

23.

红藕香残玉簟秋。轻解罗裳，独上兰舟。云中谁寄锦书来？雁字回时，月满西楼。花自飘零水自流。一种相思，两处闲愁。此情无计可消除，才下眉头，却上心头。--李清照《一剪梅·红藕香残玉簟秋》

24.

一道残阳铺水中，半江瑟瑟半江红。可怜九月初三夜，露似真珠月似弓。  
。--白居易《暮江吟》

25.

来龙去脉绝无有，突然一峰插南斗。桂林山水奇八九，独秀峰尤冠其首。  
。三百六级登其巅，一城烟水来眼前。青山尚且直如弦，人生孤立何伤焉？  
--袁枚《独秀峰》

26.

南浦凄凄别，西风袅袅秋。一看肠一断，好去莫回头。--白居易《南浦别》

27.

水是眼波横，山是眉峰聚。欲问行人去那边？眉眼盈盈处。才始送春归，又送君归去。若到江南赶上春，千万和春住。--王观《卜算子·送鲍浩然之浙东》

本文链接：<https://duanjuziku.com/duanjuzi/1y2v363bjh.html>